

西藏圖考

地630
39
31-4
部二

光緒丙戌秋鑄

西藏圖考

顧復初署檢

西藏圖考全集目錄

卷之首

宸章

序

例言

卷之一

西藏全圖

小引說

沿邊圖

說

西招原圖

說

乍丫圖

說

卷之二

西藏源流考

續審隘篇

內地程站考

卷之三

西藏程站考

詩附

卷之四

西藏圖考卷之一

目錄

目一

諸路程站附考

卷之五

城池津梁關隘塘舖山川公署寺廟古蹟土產彙考

名山大川詳考

卷之六

藏事續考

卷之七

藝文考

上

附奏議

卷之八

藝文考

下

外夷附考

聖祖仁皇帝御製平定西藏碑文

昔者

太宗文皇帝之崇德七年班禪額爾德尼達賴刺麻固始汗謂東土有聖人出特遣使自人跡不至之區經讐敵之國閱數年始達盛京至今八十載同行善事俱爲施主頗極安寧後達賴刺麻之歿第巴隱匿不奏者十有六年任意妄行拉藏滅之復興其法因而允從拉藏苦苦腦兒羣衆公同之請中間策妄阿喇蒲坦妄生事端動準噶爾之衆肆行奸詐滅壞達賴刺麻并廢第五輩達賴之塔辱鱣班禪毀壞寺廟殺戮刺麻名爲興教而實滅之且欲竊據圖伯特國朕以其所爲非法爰命皇子爲大

西藏圖考卷之首

宸章

一

將軍王又遣朕子孫等調撥滿洲蒙古綠旗兵各數萬歷烟瘴之地土馬安然而至賊衆三次乘夜盜營我兵奮勇擊殺賊皆喪膽遠遁一矢不發平定西藏振興法教賜今虎必爾汗冊印封爲第六輩達賴刺麻安置禪榻撫綏圖伯特僧俗人衆各復生業於是文武臣工咸謂王師西討歷瘴癘險遠之區曾未半載輒建殊勲實從古所未有而諸蒙古部落及圖伯特酋長亦合詞奏曰皇帝勇畧神武超越往代天兵所臨邪魔掃蕩復興蒙古向所尊奉法教坎麻藏衛等部人衆咸得拔離湯火樂土安居如此盛德大業非臣下頌揚所能宣罄請賜御製碑文鐫勒招地以垂永久朕以何功焉而羣衆勤請不已爰紀斯文立

石西藏俾中外知達賴刺麻等三朝恭順之誠諸部落累世崇奉法教之意朕之此舉所以除逆撫順綏眾興教云爾

康熙五十九年

上諭大學士學士九卿等曰朕於地理從幼留心凡古今山川名號無論邊徼遐荒必詳考圖籍廣詢方言務得其正故遣使臣至崑崙西番諸處凡大江黃河黑水金沙瀾滄諸水發源之地皆目擊詳求載入輿圖今大兵得藏邊外諸番悉心歸化三藏阿里之地俱入版圖其山川名號番漢異同當於此時考證明核庶可傳信於後大概中國諸大水皆發於東南諾莫渾烏巴西大幹內外其源委可得而縷析也黃河之源出西甯外枯爾

西藏圖考卷之首

宸章

二

坤山之東眾泉渙散不可勝數望之燦如列星蒙古謂之敖敦他拉西番謂之梭羅木中華謂之星宿海是爲河源滙爲薩陵鄂陵二澤東南行折北復東行由歸德堡積石關入蘭州岷江之源出於黃河之西巴顏哈拉嶺七七喇哈納番名岷尼雅克撮漢書所謂岷山在西徼外江水所出是也而禹貢導江之處在今四川黃勝關外之乃褚山古人謂江源與河源相近禹貢岷山導江乃引其流非源也斯言實有可據其水自黃勝關流至灌縣分數十支至新津縣復合而爲一東南流至敘州府與金沙江合流金沙江之源自達賴刺麻東北烏尼尹烏蘇嶺流出烏尼尹烏蘇嶺中華謂之乳牛山也其水名穆魯斯烏蘇東

南流入喀木地又經中甸入雲南塔城關名金沙江至麗江府
又名麗江至永北府會打衝河東流經武定府入四川界至敘
州府流入岷江經夔州府入湖廣界由荊州府至武昌府與漢
江合漢江源出陝西寧羌州北嵯冢山名漾水東流至南鄭縣
爲漢水入湖廣界東南流至漢陽縣漢口合岷江此諸水在東
南諾莫渾烏巴西大幹之內源發於西番委入於中國也瀾滄
江有二源一源於喀木之格爾幾雜噶爾山名雜褚河一源於
濟魯肯他拉名敖穆綽河二水會於察木多廟之南名拉克褚
河流入雲南境爲瀾滄江南流至車里宣撫司名九龍江流入
緬國瀾滄之西爲哈喇烏蘇卽禹貢之黑水今雲南所謂潞江

也其水自達賴喇嘛東北哈拉腦兒流出東南流入喀木界又
東南流入怒夷界爲怒江入雲南大塘隘更名潞江南流經永
昌府潞江安撫司境入緬國潞江之西爲龍川江龍川江之源
從喀木所屬春多嶺流出南流入雲南大塘隘西流爲龍川江
至漢龍關入緬國此諸水在東南諾莫渾烏巴西大幹之外皆
流入南海也又雲南邊境有檳榔江者其源發自阿里之岡底
斯東達木朱喀巴卜山譯言馬口也一泉流出爲雅魯藏布江
從南折東流經藏角地過日噶公喀爾城旁合噶爾詔模倫江
又南流經公布部落地入雲南古勇州爲檳榔江出鐵壁關入
緬國而岡底斯之南有山名郎干喀巴卜譯言象口也有泉流

出入馬皮木達賴又流入耶噶腦兒兩河之水西流至桑南地岡底斯之北有山名僧格喀巴卜譯言獅子口也有泉流出西行亦至桑南地二水合而南行又折東行至那克拉蘇穆多地與岡底斯西馬卜家喀巴卜山所出之水會馬卜家喀巴卜者譯言孔雀口也其水南行至那克拉蘇穆多地會東行之水東南流至厄納忒可克國爲岡噶模倫江卽佛法所謂恒河也佛國紀載魏法顯順恒河入南海至山東之渤海入口應卽此水矣梵書言四大水出於阿耨達山下有阿耨達池以今考之意卽岡底斯是唐古特稱岡底斯者猶云眾山水之根與釋典之言相合岡底斯之前有二湖連接土人相傳爲西王母瑤池意

卽阿耨達池又梵書言普陀山有三一在厄納忒可克之正南海中山上有石天宮觀自在菩薩遊舍是云眞普陀一在浙江之定海縣海中爲善財第二十八參觀音菩薩說法處一在土伯特今番名布塔拉山也亦謂觀音見身之地釋氏之書本自西域故於彼地山川亦可引以爲據也禹貢導黑水至於三危舊註以三危爲山名而不能知其所在朕今始考其實三危者猶中國之三省也打箭鑪西南達賴刺麻所屬爲危地拉里城東南爲喀木地班禪額爾德尼所屬爲藏地合三地爲三危耳哈拉烏蘇由其地入海故曰導黑水至於三危入於南海也至於諸番民號雖與史傳不同而亦有可據者今之士伯特卽唐

之突厥唐太宗時以公主下降公主供佛像於廟今番人名招
招者譯言如來也其地猶有唐時中國載去佛像明成化中烏
斯藏大寶法王來朝辭歸時以半駕鹵簿送之遣內監護行內
監至四川邊境卽不能前進而返留其儀仗於佛廟至今往來
之人多有見之此載於明實錄者爾等將山川地名詳細考明
具奏

御製十全記

乾隆五十七年

夫記者志也虞書朕志先定乃在心周禮春官掌邦國之志乃
在事旅獒志以道寧則兼心與事而言之然總不出夫道得其
道乃能合於

西藏圖考卷之首

宸章

五

天以冀承乎

貺則予之十全武功庶幾有契于斯而可志以記之乎十功者平
準噶爾爲一定回部爲一掃金川爲二靖臺灣爲一降緬甸安
南各一卽今二次受廓爾喀降合爲十其內地之三叛么膺弗
屑數也前已西廓爾喀之降蓋因彼擾藏邊界發偏師以問罪
而所遣鄂輝等未宣我武巴忠乃遷就完事致彼弗懼而去歲
復來以致大掠後藏飽欲而歸是以罪庸臣選名將勵眾軍籌
儲餉福康安等深感朕恩弗辭勞苦於去歲冬月卽率索倫四
川降番等精兵次第由西甯冒雪而進今歲五月遂臨賊境收
復藏邊攻克賊疆履線險如平地渡溜要若蹄涔繞上襲下埋

根批吭手足胼胝有所弗恤七戰七勝賊人喪膽及兵臨陽布賊遂屢遣頭人匍匐乞降將軍所檄事件無不謹從而獨不敢身詣軍營蓋彼去歲曾誘藏之噶布倫丹津班珠爾等前去故不敢出也我武既揚必期掃穴犁庭不遺一介亦非所以體

上天好生之意即使盡得其地而西藏邊外又數千里之遙所謂不可耕而守者亦將付之他人乃降旨允降班師以藏斯事昔唐太宗策頡利曰示之必克其和乃固廓爾喀非頡利之比番邊殊長安之近彼且乞命籲恩准之不暇又安敢言和乎然今日之宣兵威使賊固意求降歸順實與唐太宗之論有所符合昔予記土爾扈特之事於歸降歸順已悉言之若今廓爾喀之

謝罪乞命歸降歸順蓋並有焉以其悔過誠而獻地切也迺知守中國者不可徒言偃武修文以自示弱也彼偃武修文之不已必致棄其故有而不能守是亦不可不知耳知進知退易有明言予實服膺弗敢忘而每於用武之際更切深思定於志以合乎道幸而五十七年之間十全武功豈非

天貺然

天貺逾深予懼益切不敢言威惟恐難承兢兢惶惶以俟

天眷爲歸政全人夫復何言

御製普陀宗乘之廟瞻禮紀事碑

在布達拉山下東北隅色拉寺山門外廊下東壁上

大聖人首出御世王道禪修非二致外藩萬部所歸心振興黃

教欽

睿智仿建招提北山崖膜拜環瞻悅遠懷抒誠愛戴奕禩暨

高皇聲教恢無涯普陀宗乘之廟喇華言曰普陀蓋普陀有三一居額紐特珂克即印度一居圖

伯特郎西藏一居浙東之南海而西來因緣則始自印度而西

藏而南海特士行教示現之所印度已遠不可稽惟西

居印度時嘗授記云我教後將流傳東土蓋西藏相好常新佛祖

東正與我佛示現因緣相合則西藏之普陀故為最勝是以山

莊所建特現其制經始於乾隆三十二年至乾隆三十六年告

成廣殿重臺窮亭翼廡金輪寶鐸香樹法幢洵佛國之化城人

間之福地也溯自我朝開國以來振興黃教撫輯外藩至

當壽誕辰翠華臨蒞山莊迎鑾瞻觀豹尾扈隨若遇正

壽誕辰至鱗集尤眾亦俾得瞻拜震旦琳宮莊嚴具足莫不歡喜頂禮

合十皈依其信心迴向之誠真稱得未曾有而欽仰敬服咸頌

轉世相沿多詭譎除弊

特命金瓶掣決疑定眾順其情鴻文魏煥喇嘛說佛法始自天竺即印度東

流而至西番即唐古特其番僧相傳稱為喇嘛我皇考嘗

習其語深通其法譯二字之意謂即漢語稱僧為上人耳喇嘛

示寂後轉生為呼必勒罕即漢語謂轉世化生人也當呼必勒

罕未出之前彼教於佛前誦經祈禱廣為訪覓各指近似之幼

孩於佛前拉穆吹忠擇一聰慧有福相者定為呼必勒罕幼而

習之長成乃稱呼土克圖傳襲其號以掌彼教我朝撫有方夏

懷柔俾之遵守舊規遞演其傳乃行之既久遂有影射牟利者

從中舞弊任意妄指呼必勒罕居為奇貨以致轉生之人率出

一族竟與世襲爵祿無異而信奉其教之人亦生疑慮我

皇考於平定廓爾喀寧輯藏地後曾製喇嘛說詳敘黃教

源委與我朝所以振興之故並究悉其煽亂之由將彼教壞法

西藏圖考卷之首

宸章

七

我大聖人總持調御溥暢宗風成此天人攝受之閔

規為三乘迦持之統會勝因善果龍天護佑將垂示無窮不可

思議也

之人置之重辟因

思息紛定眾之道必須遏其弊端特

命製金奔巴瓶送往藏中供奉如有大喇嘛出呼必勒罕之

事仍隨其俗令拉穆吹忠四人降神誦經將各行指出呼必勒

罕之名書籤貯於所供金瓶對眾念經令達賴喇嘛或班禪額

爾德尼同駐藏大臣公同籤掣一人定為呼必勒罕又各蒙古

之大呼必勒罕亦令如所定之例將所報呼必勒罕貯於雍和

宮所供金瓶內理藩院堂官會同掌印札薩克大喇嘛等公掣

我皇考聖謨廣運雖遐方殊俗亦必

正合王制所謂修其教不易其俗齊其政不

易其宜治法昭垂允宜遵守毋忽者也宗喀巴派二徒傳

一曰達賴一班禪達賴示寂已數載今春顯應西藏邊生甫四

齡性敏悟昔年衣鉢識無誤乃知真者幻難欺不佳色相心常

住黃教之興西番高僧帕克巴始盛於元至宗喀巴為黃教之

其祖有二大弟子曰達賴喇嘛曰班禪喇嘛達賴喇嘛位居首

與達賴喇嘛遞相為師以化身世掌黃教自根敦珠布格瑪克巴五轉世

而至阿旺羅卜藏嘉木磋我朝太宗文皇帝崇德七年達

賴喇嘛差人恭詣盛京呈遞丹書克及方物以後承受

西藏圖考卷之首

宸章

八

聖恩施又一再傳其八輩達賴喇嘛於嘉慶九年示寂已閱數

載其呼必勒罕尚未出世曾令濟隆呼土克圖及堪布喇嘛等

於佛前誦經虔誠祈禱以期早徵靈應本年正月據駐藏大臣

玉甯等奏稱藏內各處具報幼孩九人經濟濟隆呼土克圖駁去

六人祇餘三人內惟西藏甸麻地方居住之春科土司丹怎吹

忠之子於乙丑十二月朔日降生迄今年甫四齡聰慧異常早

能持誦經咒自知前身係五輩達賴喇嘛試以前輩喇嘛所用

鈴杵等物均能辨識大眾無不傾心信奉而後藏班禪額爾德

尼聞知即親至前藏睹諸殊異同深歡喜並經玉甯等詳加察

驗信而有徵蓋化身雖幻而真性常存似此靈異顯然不特化

外波旬無由僞託去來因果了了不在天恩暉照遐方示現

佛子大吉祥不疑何卜遂降勅季秋諏吉命坐牀特簡藩王頒

厚賜衛藏億兆歡動地敬承我考綏遠猷爰作長言紀其

事我皇考頒發金奔巴瓶之聖意原以維持正教遏抑邪趨在天之靈所以照臨而呵護之者非言思擬議之所能悉今丹怎吹忠之子聰明穎異其徵應如此大眾之歡欣敬信又如此設當我皇考時遇有此奏必立時加恩無

須於金瓶籤掣蓋不疑何卜前志可稽因即降旨令其作為達賴喇嘛呼必勒罕著班禪額爾德尼等恭詣高宗純皇帝聖容前虔誠誦經奏聞用昭恩貺並特賜達賴喇嘛呼必勒罕哈達一個無量壽佛一尊鈴杵一分璣珠記念碧霞弘念珠一掛令成都將軍特清額賁赴西藏頒發旋據玉甯等奏報達賴喇嘛呼必勒罕於九月二十二日坐牀因特派御前行走喀喇沁親王品級都楞郡王多羅額駙滿珠巴咱爾同御前侍衛副都統今授工部侍郎慶惠乾清門侍衛副都統隆福噶勒丹錫勒圖呼圖克圖赴藏看視坐牀頒賜勅書賞件並銀一萬兩以示優眷敬思我皇考綏遠鴻猷為萬世法前此金奔巴瓶之賜實慮彼教中有假托者藉以去偽存真茲既真者現前則一切杜弊之法原可不設即此權衡措置心心相印默鑑同符實理之必然者然事期可久法不厭詳此後設遇呼必勒罕出世未必能如此次之靈驗無疑仍當恪守前規書名籤掣方可以絕詐妄而泯覬覦爰詳紀此事始末以見吉祥示現為世間僅有之奇故不拘常行之例是法非法孰一孰二即以長言為說偈可耳

嘉慶十三年立

黃序

益州天府亦天險也然古有據形勝僭大號或資富強圖中原其爲得失亦僅矣獨未有遠謀能馳域外之觀者我朝聖武取西藏前後胥入版圖其固吾圉至深遠也若乘全盛建行省置郡縣其地當倍於黔於是疆理之生聚之教訓之既庶既富以進規印度不徵兵轉餉而拓土開疆毋滋他族實徧處此尙矣夫印度地在海內水土肥美人之所爭其意有在故規印度所以衛西藏衛西藏所以固蜀都設西藏有警蜀能安枕乎履霜之思又豈僅在蜀今印度既淪海外則經營西藏尤爲急務然必竭全蜀之力經西藏圖考卷之首

黃序

十

之營之安內攘外庶幾固此藩籬輔車相依有備無患斯不易之言也吾鄉黃君壽菩早歲從戎官蜀最久旁搜博采編輯西藏圖考一書於古今沿革山川險易道里遠近條分脈合瞭如指掌若有事於西藏此爲南針可謂識時務之急者矣惟願我

國家懷遠之謨邦交之固阻恒河絕獨脊千百年如一日不獨西鄰士人實受其福中邦實樂利之然則余言爲過計而壽菩是編則未必非有用之書也光緒丙戌季秋月善化黃錫燾序於錦城寓廬

崔序

蓋聞巡大宛之藪漢使停槎叙西域之圖隋賢削秭故知
興朝拓宇界劃斧於流沙元輔綏疆標銘碑於遐裔然或
新封都護叛服靡恒甫隸版章藩籬罔固越在貫胸窮髮
聖人蚤示無外之規緊彼鐵勒婆羅志士原從不論之例
若夫朝

天弭節世戴

王靈款土賤忱歲輸

上貢如今之西藏者部落雖歧其種風教各異厥居葱嶺雲崢
內藩赤縣金沙霞灩表錯重洋巍乎滇蜀之鉅鍵嶄然華

西藏圖考卷之首

崔序

上

夷之雄障稽

列祖撫綏之績義別羈縻揆齊民鎮服之文形侔郡縣倘其山川
里道舊籍罕詳城堞邱墟前聞尠紀何以憑墉扼塞銷遠
徼之封狼度地屯田拒長城之牧馬吾友黃子壽苦雅
儲偉抱夙握奇珍虎帳參籌曾借留侯之箸雞聲觸慨頻
加祖述之鞭爰乃蒿目時艱游心藏典旁搜傳記摹繪圖
程靡間昕宵尤精編次窮其要害陳險隘於簡端探厥源
流辨關河於眼底奚俟伏波聚米已諳決勝之塗勿需道
子畫山預識經邊之奧撫茲鴻寶壯我

皇猷統四海爲一家萬國上

懷柔之頌規八荒於尺素六韜增策畧之書

光緒十二年小陽月楚北崔廷璋拜序於錦官寓舍

西藏圖考卷之首

崔序

三

顧序

西藏之地古屬吐番歷代叛服不常

聖清龍興遼瀋以班禪達賴刺麻首先歸命遂收蒙古赫業等
四部落實爲受

命開國之基特賓禮之異於他部厥後其地爲別種所據復出
師勘定之命駐藏大臣護視其眾二百餘年朝貢不絕雖
未嘗隸版圖郡縣治儼然食毛踐土之民焉顧其地絕險
遠惟商販茶布之徒歲一往來其裡塘巴塘察木多等處
雖設糧臺置驛傳類皆視爲畏途未有能詳紀其山川阨
塞四至八到者也惟四川通志及果親王西藏志松相國
西藏圖考卷之首

顧序

三

筠西招圖略粗具綱要合之古書時有同異視遠者不詳
其貌聽遠者不聞其聲不其然歟 壽苦觀察久綰軍事
留心邊務乃博採眾說規方計里繪爲諸圖又搜羅藝文
土風謠俗莫不畢載謂予曰雖未能準望鉤絃分寸密切
然推詳頗竭心力當亦攷疆索者之一助也

復初 惟方今

聖化洋溢北覃於俄羅斯西迄於英吉利互市者三十有六國
聲教之盛振古無比海國有西寰瀛有志而况衛藏之地
接壤巴蜀猶我宇下且達於以楞印度異日馳域外之觀
揚鉤深致遠之威於是乎在心將以是書爲權輿矣
光緒十有一年歲在丙戌仲冬之月長洲顧復初序

丁序

光緒癸未之春廓爾喀所屬之巴勒布商人在藏被擄唐
廓有釁事久不決次年春 制軍丁公慮有邊事以狀聞
奉

命使

士彬

馳往勘辦

彬

於甲申四月銜

命出關閏五月達川藏交界時唐廓已聞風震恪和議有成藏

使亟以入告

士彬

乃退次於巴塘候

旨旋蒙

俞允

士彬

遂歸夫唐古忒與廓番接壤廓番又與英圭黎屬之

印度接壤英圭黎常思開通藏路以達中國勝海道之迂

西藏圖考卷之首

丁序

古

險是以經營印度汲汲若不終日而唐古忒齟齬之不得
逞然則今日之藏衛其關繫中外利害數倍於昔而攷其
山川險要與其道路出入關隘分歧尤今日之急務也

彬前於被

命後訪求各種輿圖及諸家紀載攜之行篋凡至一處不憚諮
諏稽其異同察其風氣欲他時纂集成書爲籌邊之一助
事忽中輟雖可以藏拙偷安而於心終有耿耿焉同官黃
君壽菩本經世才留心時務以所撰西藏圖考見示仍過
自虛抑殷殷下問 士彬 受而讀之則凡昔所裒輯者君皆
已有之且加詳焉卽有餘於君之外者類皆郢書燕說不